

聖母升天瞻禮日

堅道大堂舉行晉陞鐸品典禮

新添司鐸八位

(本港消息)聖母升天瞻禮日(八月十五日)，本港恩主教在堅道大堂晉陞司鐸八位，其中四位係屬於本教區，其餘四位則屬於慈幼會。本教區華籍新司鐸爲余榮鴻神父，林澤滋神父，周導民神父，黃永陸神父。慈幼會新司鐸則爲王方濟各神父(華籍)，盧仁神父 *Govardus Roosen*，克利福特神父 *John Clifford* 及厄伯狄神父 *Peter Urbaitis*。主

教舉行晉陞典禮時，會由大批司鐸輔助之。儀式甚爲隆重，自晨七時開始，直至九時半始完畢，堂內擠滿觀禮信衆，其中有新陞鐸品者之親朋多人，均於典禮結束時，各向新司鐸祝福。是日之唱經班，乃華南總修院之修生。

按本教區四位新司鐸，均係於小修院修完初步課程後，升入香港仔華南總修院者。彼等在該院攻讀神哲學七年之久，最近畢業，遂得晉陞鐸品。現時本教區華籍司鐸，連同新陞者在內，計共二十三位云。